

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Neopatrensi Archiepisco, & Episcopo Davaliensi, & dilecto filio electo
Naziresensi.

urn:nbn:de:hbz:466:1-20020

NEOPATRENSI ARCHIEPISCOPO,
Episcopo Davalensi, & dilecto filio
electo Nazorescensi.

Epist. 189.
De obedientia
quam Episcopi
debet suis Me-
tropolitani.

Venerabilis frater noster Larissiensis Archiepiscopus sui nobis conquestione monstravit quod venerabilis frater noster Dimitriacensis Episcopus suffraganeus Larissiensis Ecclesie, fultus potentia laicali, eidem denegat obedientiam & reverentiam debitam exhibere. Quocirca discretioni vestrae per apostolica scripta mandamus quatenus praeformatum Episcopum ut debitam obedientiam & honorem exhibeat Archiepiscopo memorato monere diligentius & inducere procuret, eum ad hoc, si necesse fuerit, distinctione qua convenit appellatione remota cogentes. Nullis litteris veritati & justitia prajudicantibus &c. Quod si non omnes &c. duo vestrum &c. Datum Laterani vi. Idus Decembris, pontificatus nostri anno undecimo.

ELECTO NAZORESCENSI.

Epist. 190.
Suscipitur sub
protectione a-
postolica se-
dis.

Cum à nobis petitur quod justum est & honestum &c. usque effectum. Ea propter, dilectio in Domino fili, tuis justis postulationibus grato concurrentes assensu, Nazoreensem Ecclesiam cum omnibus quæ in praesentiarum rationabiliter possidet &c. usque communimus. Decernimus ergo ut nulli omnino hominum licet hanc paginam nostræ protectionis infringere vel ei &c. Si quis autem hoc attentare presumperit &c. usque incursum. Datum Laterani v. Idus Decembris, pontificatus nostri anno undecimo.

EPISCOPO DAVALENSI.

Epist. 191.
De electione ar-
gumento.

Cum à nobis petitur &c. usque effectum. Eapropter, venerabilis in Christo frater &c. usque assensu, Davalensem Ecclesiam cum omnibus quæ in praesentiarum rationabiliter possidet &c. usque communimus. Decernimus ergo &c. hanc paginam nostræ protectionis infringere &c. usque incursum. Datum ut in alia per totum.

EPISCOPO ET ARCHIDIACONO
Cremonensis.

Epist. 192.
De electione
Abbatis de
Cornu.

Cum venerabilis frater noster Ypiensis Episcopus & dilectus filius Albertus Presbyter Mantuanus ad monasterium sancti Stephani de Cornu ob visitationis & correctionis officium accessissent, statutis in eo plurimis quæ regulari con-

gruunt honestati, quia P. tunc Abbas ejusdem monasterij super lapsu carnis, criminis simonie, ac multis aliis graviter fuerat infamatus, cùm ipsi juxta officij sui debitum super iis vellent inquirere veritatem, idem Abbas eis humiliter supplicavit ut secundum formam juris procederent circa ipsum, cùm notoria res non esset, nec vexaret eum fama publica vel privata, nec etiam contra eum accusator aliquis appareret. Cùmque ipsi supplications vel potius exceptions huiusmodi tamquam frivolas non admitterent, dictus Abbas sedem apostolicam appellavit. Sed iudicem appellazione hujusmodi, vel frustratoria, non admissa, à Priori ac multis monachis ipsius cenobii, qui super hoc deposuere jurati, de premissis inquisierunt plenius veritatem. Interim autem cùm de praedictis visitatoribus Abbas ipse in auditorio nostro gravem fecisset conquestionem deponi, venerabili fratri nostro Vberto Mediolanensi Archiepiscopo S. R. E. Cardinali dedimus in mandatis ut inquireret ab Episcopo & Presbytero memoratis qua de causa inducti fuerint ad inquisitionem hujusmodi faciendam, & nisi aliam rationabilem causam ostenderent, ne procederent ad inquisitionem praedictam auctoritate ipsius apostolica prohiberet, in statum debitum revocato si quid post appellationem ad nos rationabiliter interpositam in ipsius Abbatis praedictum attentassent, alioquin canonicum haberent in eadem inquisitione processum. Cum igitur de ipsorum processu tam per litteras eorundem quam per relationem Episcopi memorati nobis plenius constitisset, dictum Abbatem ab eadem abbatis exigente justitia duximus removendum, discretioni vestrae per apostolica scripta mandantes quatenus & quod à nobis est super hoc provida deliberatione statutum faciat per censuram ecclesiasticam sublato contradictionis & appellationis obstaculo firmiter observari, ac Priori & fratribus ipsius monasterij auctoritate apostolica injungatis ut personam idoneam per electionem canonicam sibi præficiant in Abbatem. Ipsum quoque depositum ad restituendum privilegia monasterij & alia quæ suæ fuerant commissa custodia per censuram eandem sublato appellationis obstaculo compellatis; contradictiones, si qui fuerint, vel rebelles distinctione simili competentes. Datum Laterani xvi. Kal. Ianuarij, pontificatus nostri anno undecimo.